

THE SECOND
LETTER OF
PAUL TO
TIMOTHY

TIMOTIANYA
POLOME PEPA PYAO
PYASAKAMAIYAMO
LAPO PYOO DOKO

Greeting

1 ¹Paul, an apostle of Jesus Christ by the will of God according to the promise of life that is in Christ Jesus, ²to Timothy, my beloved child: Grace, mercy, and peace from God the Father and Christ Jesus our Lord.

**Paul's Charge
to Timothy**

³I thank God, whom I serve with a clear conscience as my forefathers did, as night and day I constantly remember you in my prayers. ⁴Recalling your tears, I long to see you so that I may be filled with joy. ⁵I am reminded of the sincere faith that is in you, which dwelt first in your grandmother Lois and in your mother Eunice,

Pii Wambao Leamo Doko

1 ¹Jisasa Kraisa-kisa lete katenge doko Goteme endakali dupa maitona leamo dokonya-kaita namba Polo, Jisasa Kraisanya aposole kalyo dokome, ²Timoti emba nambanya ikiningi mona setenge dokonya pepa dake pyao peekelyo. Takange Gotepa naimanya Kamongo Jisasa Kraisapanya kondo kaenge dokopi, mona epe palenge dokopi, mona yaepenge dokopi, dutupa emba-kisa sipya laka lao masilyo.

**Polome Timoti Kyeto
Maiyoo Pii Leamo Doko**

³Nambanya yumbange takangepi dupame Gotenya kalai pyakamaiyamiliaka pyoo, nambame Gotenya kalai pyakamai-pupa, nambanya moname koelyenona laa naelyamo. Nambame kuka kotakapi Gote yaka pilyino lao loma silyo dokonya, emba kame sala naenge. ⁴Emba ee leeno doko masilyo dokopa, namba eteke pya-too, emba kandapu laka lao masingi. ⁵Embanya aputingi Loisapa, embanya endangi Yunisapa, dolapo-kisa Jisasa tungi pingi doko wambao siamoli pyoo, emba-kisa Jisasa tungi pingi doko kiningi

silyamona lao nambame kyeto joo masilyo. ⁶Tenge dokonya, nambame pii dake deaka langilyo: Nambame embanya aiyombanya kingi setekeo dokopa, Goteme emba epe mende mee diamo doko embame kame sala naeyao, yuli tena poo lao katape. ⁷Goteme spirita naima diamo dokome naima paka pisala naenge. Spirita dokome endakali auu kaeyao, mona paliu kalyepale lao kyeto dingi.

⁸Dopana, naimanya Kamongo dokonya lao pii doko embame lamailyino dokopa, wai pii epe doko lamaipusa namba anjetae palelyo dokopa, dola-ponya emba elya nakaeyape. Wai pii epe doko lamaipusa namba-kisa kenda epelyamoli pyoo emba-kisa kenda ipatamopa, emba Gote-kisa kyeto nyepala, wai pii epe doko lamaiyoaka katape. ⁹Naima Gotenya latae kalyepale lao baame wii lao nyepala pyoo nyiamo doko, naimame kalai mende piamanosa daa, baanya kondo kaenge dokome pyoo nyotona lao masiamo dokonya-kaita naima pyoonya. Yuupa kaitipa dolapo nasiamopa, Goteme baanya kondo kaenge doko Jisasa Kraisa-kisa naima mee ditona lao masia-pyaa. ¹⁰Naima Pyoo Nyingi, Jisasa Kraisa panao epeamo dokonya-kaita, indupa Gotenya kondo kaenge doko panapae silyamo. Kraisame kumingi doko etasetala, wai pii epe dokonya-kaita lete kataowaka katenge doko panasia. ¹¹Wai pii epe doko lamaingi kalai dokopi, aposole kalai dokopi, akali tata waka dupa mana lamaingi kalai dokopi, dutupa nambame pyaale lao Goteme namba makande lea. ¹²Tenge dokonya, namba tanda nao kalyo. Dopaka doko, nambame tungi pingi Gote doko nambame masingi. Namba kalai dake pyaale lao diamo Gote dokome yakinala naeyao, kalai dake

and now, I am sure, dwells in you also. ⁶Therefore I remind you to rekindle the gift of God that is in you through the laying on of my hands. ⁷For God did not give us a spirit of timidity, but a spirit of power, love, and sound judgment.

⁸Therefore do not be ashamed of the testimony of our Lord or of me his prisoner. Rather, join with me in suffering for the gospel as you rely on the power of God. ⁹He saved us and called us with a holy calling, not according to our works, but according to his own purpose and grace. This grace was given to us in Christ Jesus before time began, ¹⁰but has now been revealed through the appearing of our Savior Jesus Christ, who abolished death and brought life and immortality to light through the gospel. ¹¹For this gospel I was appointed to be a preacher, an apostle, and a teacher of the Gentiles. ¹²That is why I am suffering these things. But I am not ashamed, for I know whom I have believed, and I am persuaded that he is

able to guard what has been entrusted to me until that day. ¹³Hold to the pattern of sound teaching that you have heard from me, in the faith and love that are in Christ Jesus. ¹⁴By the Holy Spirit who dwells within us, guard the good deposit that has been entrusted to you.

¹⁵You know that everyone in Asia has turned away from me, including Phygelus and Hermogenes. ¹⁶May the Lord give mercy to the household of Onesiphorus, because he often refreshed me and was not ashamed of my chains. ¹⁷On the contrary, when he arrived in Rome, he sought me out very diligently and found me. ¹⁸May the Lord grant him to find mercy from the Lord on that day! You know very well all the ways he helped me in Ephesus.

A Good Soldier of Christ Jesus

2 ¹You then, my child, be strong in the grace that is in Christ Jesus. ²Entrust what you have heard from me in the presence of many witnesses to faithful men who will be competent to teach others also. ³Endure hardship as a good soldier of Jesus Christ. ⁴No one serving as a soldier entangles

isoo katao yuu etata gii dokonya tuu lapengena lao nambame masilyo. Tenge dokonya, namba elya nakaelyo. ¹³Endakali auu kaenge mana dokopa, Gote tungi pingi mana dokopa, dolapo Jisasa Kraisa-kisa singi dolaponya emba katao, nambame kiningi pii langio dupa yakinala naeyape. ¹⁴Goteme kalai epe mende pyaale lao emba diamo doko Oli Spiritana naima-kisa kalyamo dokome nisetamopa, embame auu pyoo isoo, pyoo katape.

¹⁵Propinja Esia dokonya endakali dupa pitakame namba yakineaminopa, Pijelusapa, Emojenesapa dolapome apata namba yakineambi doko embame masilyino. ¹⁶Namba sene kendeme anjetae palelyo dakenya, Onesipotusame elya nakaeyao paa longosa ipao, namba pii epe langyoo auu pisia dokonya, baapi, baanya palupi dupa Kamongome kondo kaeyapya laka lao masilyo. ¹⁷Baa Roma epea dokopa, baame lekeleke tao namba kutaowaka paeyapala, anjetae palelyo dakenya kandao nyia. ¹⁸Epesusa katao baame kaitini longo mendapuanya namba nisiamo doko embame auu pyoo masilyino. Dopana, yuu etata gii dokopa, Kamongome baa kondo kaeyapya laka lao masilyo.

Kraisanya Amii Epe Mende Katapengena Leamo Doko

2 ¹Gotenya kondo kaenge, Jisasa Kraisa-kisa singi dokonya-kaita, nambanya ikiningi Timoti, emba kyeto joo katape. ²Endakali longonya enombanya nambame pii langiopa embame soo nyiino dupa, pii manapi tolao lamaipenge endakali mendapuame auu pyoo lamaina lao mana lamaipi. ³Emba Jisasa Kraisanya amii epe mende katao, kenda nyoo katape. ⁴Amii mendeme mee endakali dupanya kalai pilyami dupa pyaa naenge.

Baa amii kalai pina lao kenge setakamailya akali dokome auu kaena lao, amii dupanya kalai pipenge dupa iki baame pingi. ⁵Dopaka pyoo endakali mendeme praisa nyalanya, alo pingi dokonya mana singi dutupa wata-minala naeyatamo doko, baame praisa doko nanyeta. ⁶Lekeleke tao ee pokenge dokome ee pokata doko wambu pitamopa, wambao baa tange mendatupa nyepenge. ⁷Pii dupa pitaka embame auu pyoo masetale lao, Kamongome emba nisina, nambame pii langilyo dutupa embanya monanya nyoo mandipi.

⁸Embame Jisasa Kraisa kame sala naeyape. Baa Kiŋi Dapitanya mandipaenya mandipae doko malunya sakatasiamo dokonya wai pii epe doko nambame lao panao kalyo. ⁹Dopa pilyo tenge dokonya, namba akali makongao koo pingi mende joo, tanda nao sene kendeme anjetae palelyo. Dopaka doko, Gotenya pii lapae doko anjetae nakalyamo. ¹⁰Tenge dokonya, Goteme pyoo nyingi Jisasa Kraisa-kisa singi doko Gotenya endakali yapao nyepae dupame apata nyepala, tii pipae tanga-tangapi soaka pupenge dokonya katena lao, namba tanda nelyo dupa pitaka tanda naowaka katato. ¹¹Pii lapae dake kiningina lao masepenge: Jisasa Kraisa kumiamo dokonya naima apata kumatamano doko, baa katata dokonya naima apata katatamakana lao masepenge. ¹²Naimame yakinala naeyao kenda soo katatamano doko, naimame apata baa-pipa isoo katatamaka. Naimame baa maita maitamano doko, baame naima maitaka dita. ¹³Naimame mende pitamana latala napitamano doko, baanya pii doko aloo napingi dokonyana, baame mende pitoo lata doko petalaka kaeyata.

himself in the affairs of civilian life, since he seeks to please the one who enlisted him. ⁵Similarly, an athlete is not crowned unless he competes according to the rules. ⁶The hardworking farmer ought to receive the first share of the crops. ⁷Think about what I am saying. May the Lord give you understanding in everything.

⁸Remember Jesus Christ, the offspring of David, who was raised from the dead according to my gospel. ⁹For this gospel I suffer to the point of being chained like a criminal, but the word of God is not chained. ¹⁰Therefore I endure everything for the sake of the chosen, so that they too may obtain the salvation that is in Christ Jesus, with eternal glory. ¹¹This saying is trustworthy: If we died with him, we will also live with him; ¹²if we endure, we will also reign with him; if we deny him, he will also deny us; ¹³if we are unfaithful, he remains faithful; he cannot deny himself.

**A Faithful
Workman of God**

¹⁴Remind the people of these things, solemnly charging them before the Lord not to quarrel about words, which does no good but only leads to the ruin of those who are listening. ¹⁵Be diligent to present yourself to God as a proven worker who does not need to be ashamed and who correctly teaches the word of truth. ¹⁶Avoid profane chatter, for those who engage in such talk will stray further and further into ungodliness, ¹⁷and their message will spread like gangrene. Among them are Hymenaeus and Philetus, ¹⁸who have strayed from the truth, saying that the resurrection has already happened. They are undermining the faith of some. ¹⁹Nevertheless, the foundation of God stands firm, having this seal: "The Lord knows those who are his," and, "Everyone who calls upon the name of the Lord must depart from unrighteousness."

**Gotenya Kalai Akali Epe Mende
Katapengena Leamo Doko**

¹⁴Pii langilyo dutupa endakali Jisasa tungi pingi dokaitame kame setamina, embame deaka lamaipi. Pii atete pingi dokome angi mende napilyamopa, pii silyami endakali dupa koeyasingina, Kristene dupame pii atete napina lao, Kamongonya enomba dokonya embame lamaipi. ¹⁵Tanga Gotenya enomba dokonya emba katatenopa, embame auu pyoo piina latamopa lao, emba elya nakaenya, nee kaeyao, baanya kalai pyakamaiyoo, kiningi pii doko tolao dii tambao lamaiyoo katape. ¹⁶Isa yuu dakenya-tae pii tenge nakatenge lenge dokome, Gote wata-miningi doko yakinatala lembe pyala-ka pingina, pii dopale dupa wandyoo katape. ¹⁷Pii tenge nakatenge latami dupa, endakali dupa-kisa yaina kenjaa joo tee pyatala, taeyama-taeyama pyoo taeyata. Endakali pii dopale lengema dupanya, Imenusapa, Piletusapa dolapo kalyambino. ¹⁸Akali dolapome kiningi pii doko yakinatala dapa lamailyambino: Goteme endakali kumapae dupa sakataseteana lao endakali dupa mana lamailyambino. Dopa lambinosa, endakali mendapuame nyakamanya Jisasa tungi pingi doko yakinelyamino. ¹⁹Anda pipenge kana kyeto mende Gotenya seteamo doko sala-kaosilyamo. Kana dokonya dapa lao pepa pyatae kalyamo: "Kamongome baanya endakali dupa, dupana lao kandenge." Pii mende dapa lao pepa pyatae kalyamoaka: "Jisasa baa Kamongo dokona lao, lao panatami endakali dupa pitakame mana koo dupa yakinapengena" lao pepa pyatae kalyamo.



Penge tata-tata mendatupa (2 Tim 2:20)

²⁰Anda andake mendenya penge golome wasepaepi, silipame wasepaepi, dupa iki nasingi. Penge itame wasepaepi, yuu nongeaneme wasepaepi dupa singiaka. Golopa, silipapa dolapome penge wasepae dupame kalai andake mendapu pyaanya setengema. Itapa, yuu nongeanepa dolapome penge wasepae dupame kalai yakane mendapu pyaanya setengema. ²¹Dopana, endakali mendeme mana elya pipae miningi dupa kaeyapala, baa-kisa kuni nasina lao wasoo nepatamo doko, baa penge kalai andake pipenge dopale joo katatamosa pita. Baanya akali andake doko nisoo, kalai epe dupa pitaka pyaanya depa laetae katata.

²²Wane wanakupi kole dupanya yongeme koo pyoani kaenge mana dupa embame wandyoo katape. Jisasa tungi pingi manapi, endakali auu kaenge manapi, mona setenge manapi, tolatae manapi, dutupa embame wata-minao katao, Kamongo loma soo Gote-kisa iki mona setapala katengema endakali dupa-pipa tole katape. ²³Tenge nakatenge, kyakaenge pii mendapu atete pilyaminosa, laiya pii sakatengena lao masetala, embame pii dopale dupa wandyoo katape. ²⁴Kamongonya kalai akali dokome

²⁰Now in a large house there are not only vessels of gold and silver, but also of wood and clay; some are for honorable use and some for dishonorable use. ²¹Therefore, if anyone cleanses himself from what is dishonorable, he will be a vessel for honorable use, set apart as holy, useful to the master, and prepared for every good work.

²²Flee youthful lusts and pursue righteousness, faithfulness, love, and peace, along with those who call upon the Lord from a pure heart. ²³Have nothing to do with foolish and ignorant controversies, knowing that they breed quarrels. ²⁴A servant of

the Lord ought not to quarrel, but to be kind to everyone, able to teach, and patient, ²⁵instructing his opponents with gentleness. Perhaps God will grant them repentance leading to the knowledge of the truth, ²⁶and they will come to their senses and escape from the snare of the devil, who has taken them captive to do his will.

Hard Times in the Last Days

3 ¹But know this: Hard times will come in the last days. ²For people will be lovers of themselves, lovers of money, boast-ers, proud, blasphemous, disobedient to parents, ungrateful, unholy, ³with-out natural affection, irreconcilable, slander-ous, without self-control, brutal, having no love for what is good, ⁴trai-tors, reckless, puffed up, and lovers of pleasure rather than lovers of God, ⁵having a form of godliness but denying its power. Avoid such people. ⁶Among them are those who worm their way into

pii yanda pyaa naeyao, yapa imbu nakae-yao, endakali dupa pitaka andiki pyoo, mana lamaipenge mende katapenge. ²⁵Pii tanga lenge endakali dupa kiningi pii doko masina lao, Goteme dupanya mona kapilyakamaitamo nakandanya, dupa andiki pyoo tolasoo katape. ²⁶Dopa pitinopa, Sataneme baanya masingili pina lao kone makatae dokonya dokaita lyilyamanona lao masetala, kone doko tata latala paka patami.

Yuu Etalanya Pitamopa Kenda Etete Koo Mendapu Ipatana Leamo Doko

3 ¹Embame pii dake masepe: Yuu eta-lanya pitamopa, kenda etete koo mendapu ipata. ²Endakali dupame nya-kama tange iki auu kaeyapala, muni putiti kaeyao, tange kenge minalyoo, endakali waka dupa kilya kandao, lao nepao, endangi takangepanya pii nepa-kamaiyoo, yaka pilyino laanya masala naeyao, Gote wata-minala naeyao, ³palu dupa auu nakaeyao, imbu kaeyapeta soo, sambo piimi endakalinya kenge koeya-soo, masepae koo dupa ipatame-lao tange isala naeyao, mena kapu mona paliu, mana epe dupa maka kaeyao, ⁴endakali dupa enge nyoo, tanga pita dupa ma-sala naeyao mana koo minao, alyasale joo kalyamanona lao masoo, Gote auu nakaenya yongenya auu kaenge dupa iki wata-minao katatami. ⁵Endakali dopale dupame mana tolatae miningi manemane petala, Gote wata-minina lao kyeto dingi Spirita doko maita maingimana, embame endakali dopale dupa wandyoo katape. ⁶Yongeme koo pyoani kaenge tata-tata dupanya-kaita enda kyeto nasingi mendapu isa pya-katala, koo longo pyoo, mona kenda

kaeyao petengema. Dopa pyoo pilyaminopa, enda dopale dupanya andaka akali mendapu waa katao andiki pyoo kolandatala, dokaitanya masingili pina lao enda dupa minakasingima. ⁷Koteaka lao enda dokaitame mana nyingimaka doko, angi kiningi pii doko dopale-lamo lao kandao nanyingima. ⁸Janesapa, Jambatesapa dolapome Mosesanya kalai doko kaita lyokao kateambili pyoo, akali sambo mana lenge dokaitame kiningi pii doko kaita lyokelyamino. Akali dokaitanya masingi koelyamopa, dokaitame kiningi Jisasa tungi pyala naengemana lao panenge. ⁹Janesapa, Jambatesapa dolapo-kisa masepae epe nasingina lao paneamopa, endakali dupame kandeami-pyaa. Dopaka pyoo, sambo mana lengema endakali dokaita-kisa masepae epe nasingina lao panatamopa, endakali dupa pitakame kandatamiaka. Dopa pitaminopa, akali dokaitanya sambo mana dupa andao taeyala naeyata.

**Mana Nyiino Dupa Yakinala
Naeyape Leamo Doko**

¹⁰⁻¹¹Dopaka doko, nambame mana leopi, mana miniopi, kalai tenge katao piopi, Jisasa tungi piopi, kenda soo maka nakaeyopi, endakali dupa auu kaeyopi, yakinala naeyao kyeto joo kateopi, endakali dupame namba tanda dyoo koeyasiamipi, dutupa embame kandatala, namba watao epee. Antioko tangepi, Aikoniam tangepi, Lisata tangepi, dupame mana koo longo mendapu minao namba koeyasiami. Dokopa namba tanda nao kateopa, Kamongome dutupa pitakanya namba pyoo nyia. ¹²Jisasa Kraisa-kisa katao, Gotenya mana dupa wata-minao katamana lao masetami endakali dupa pitaka, tanda maiyoo koeyasetami.

houses and captivate vulnerable women who are overwhelmed with sins and swayed by various evil desires. ⁷Such women are always learning and never able to come to the knowledge of the truth. ⁸Just as Jannes and Jambres opposed Moses, so these men also oppose the truth. They are corrupted in mind and have been proven unqualified with respect to the faith. ⁹But they will not make further progress, for their folly will become obvious to everyone, as was the folly of Jannes and Jambres.

**Continue in What
You Have Learned**

¹⁰You, however, have closely followed my teaching, conduct, purpose, faith, patience, love, and endurance. ¹¹You know how much persecution and suffering I endured in Antioch, Iconium, and Lystra. Yet the Lord rescued me from it all. ¹²Indeed, everyone who wants to live a godly life in Christ Jesus will be persecuted.

¹³But evil people and imposters will become worse and worse, deceiving and being deceived. ¹⁴But as for you, continue in what you have learned and firmly believed, knowing from whom you have learned it, ¹⁵and how from childhood you have known the sacred writings, which are able to give you wisdom for salvation through faith in Christ Jesus. ¹⁶All Scripture is inspired by God and beneficial for teaching, for reproof, for correction, and for instruction in righteousness, ¹⁷so that the man of God may be complete, fully equipped for every good work.

Preach the Word

4 ¹I solemnly charge you therefore in the presence of God and the Lord Jesus Christ, who will judge the living and the dead when he appears along with his kingdom: ²Preach the word, be prepared whether the time is favorable or not, reprove, rebuke, and encourage, with complete patience and careful instruction. ³For a time is coming

¹³Endakali koo pingima dupapi, endakali tolatae manemane pingima dupapi, dupa etete koeyatami. Dokaitame endakali dupa minakasetaminopa, endakali waka dupame dokaita minakasetamiaka. ¹⁴Dopana, emba mana langiamo akali doko dopalena lao masetala, kiningina lao soo nyiino pii dupapi, mana nyiino dupapi, dupa yakinala naeyao minaowaka katape. ¹⁵Gotenya pii pepa pyapae singi dupa embame wane kolesa pituu, indupa tuu lao masilyino. Jisasa Kraisa tungi pingi dokonya-kaita Goteme emba pyoo nyingina lao, pii pepa pyapae singi dupame emba masepae epe dipenge. ¹⁶Goteme endakali mendapu masepae maiyamopa, baanya pii dupa pepa pyanya seteami-pyaa. Gotenya pii pepa pyanya seteami dupa pitakame endakali dupa mana lamaiyoo, pyalanya lao tolasoo, kaitini tolatae doko laitaka pyoo pina lao pepa pyanya seteami-pyaa. ¹⁷Masepae epe dokopa, kyeto dokopa, dolapome Goteme baanya endakali dupa etete yaka jisetamopa, kalai epe dupa pitaka pina lao, baanya pii doko pepa pyanya seteamiaka-pyaa.

Wai Pii Epe Doko Lamaipi Leamo Doko

4 ¹⁻²Kingdom doko panasoo, endakali sakapi, kumapaepi dupa yapala ipu-penge Kamongo Jisasa Kraisa, Gotepa dolaponya enomba dokonya nambame kyeto joo emba dapa langilyo: Gii epe mende palitamopapi, gii koo mende palitamopapi, wai pii epe doko lamaiyanya emba depa latae katapala endakali dupa lamaipi. Emba yapa maka nakaeyao, mana lamaiyoo, endakali dupa koelyaminona lao panao lamaiyoo, koeyatami dupa pyalanya lao tolasoo, mona sakata-sakamaiyoo katape. ³Aipumape, gii doko palitamopa, endakali dupame kiningi

pii doko maka kaeyao yakinatala, nyakamanya yongeme koo pyoani kaenge dupa pimana lao masetala, nyakama simu laka lao masingima pii dupa mana lenge longo mendapuame langina latami. ⁴Endakali dupame kyakao, tindi atomepi tenge nakatenge dupa semana lao masetala, kiningi pii doko nasemana lao maita maitami. ⁵Dopa pitaminopapi, emba wai akali katao, kalai emba diamo doko pyoo, wai pii epe doko endakali dupa lamaipi. Dopa pyoo katao emba masepae epe paliu katapala, kenda dupa ipatamopapi, tanda nyoo kyeto joo katape.

⁶Namba kumapenge gii doko ipumupa, waene kai lao opaa maingili pyoo, indupa nambanya lete katenge doko kai lao Gote opaa maipenge gii doko tengesa pilyamo. ⁷Nambame yanda epe doko petapu. Nambame alo pyapu doko pyao lita dokonya pyakamatapu. Nambame Jisasa tungi pingi doko yakinala naeyapu.

when people will not tolerate sound doctrine, but having itching ears they will surround themselves with teachers to suit their own desires. ⁴They will turn their ears away from the truth and be turned aside to myths. ⁵But as for you, be sober-minded in all things, endure hardship, do the work of an evangelist, and fulfill your ministry.

⁶For I am already being poured out like a drink offering, and the time of my departure is at hand. ⁷I have fought the good fight, I have finished the race, I have kept the faith.



Akali mendeme kirji balu mende pisilyamo. (2 Tim 4:8)

⁸There is now laid up for me the crown of righteousness, which the Lord, the righteous Judge, will give to me on that day, and not only to me, but also to all who have longed for his appearing.

**Personal
Instructions**

⁹Make every effort to come to me soon. ¹⁰For Demas, who is in love with this present world, has deserted me and gone to Thessalonica. Crescens has gone to Galatia, and Titus to Dalmatia. ¹¹Luke alone is with me. Get Mark and bring him with you, for he is useful to me for ministry. ¹²Tychicus I have sent to Ephesus. ¹³When you come, bring the cloak that I left with Carpus in Troas, as well as my scrolls, especially the parchments. ¹⁴Alexander the coppersmith did me great harm. May the Lord repay him according to his works. ¹⁵You yourself should be on guard against him, for he has vehemently opposed our message.

¹⁶At my first defense no one came to stand by me; instead, they all deserted

⁸Tolao yapenge Kamongo dokome endakali tolatae dupa nyepenge kini balu indupa kaiti-kisa depa lanyanya setelyamo dupanya, yuu etata gii dokopa nambanya doko peakata. Namba iki dyaa naeyata, baa ipatana lao nee kaeyao malisoo kalyamino endakali dupa apata maitaka.

**Polome Pii Mende Timoti
Lamaiyamo Doko**

⁹⁻¹⁰Yuu dakenya indupa silyamo dupa Demasame putiti kaeyapala, namba yakinatala Tesalonaika pea. Kresenesa baa Galesia peamopa, Taitusa baa Dalamasia pea. Dopana, emba ipupenge kaitini mende kutapala yapa ipupi. ¹¹Akali dutupa pataminopa, Luku iki nambapa tole kalyambano. Makeme namba nisoo kalai pingina, embame baa lanyepala laminao ipupi. ¹²Nambame Tikikusa baa Epesusa pena lateo. ¹³Emba ipate dokopa, nambanya yonge pee kisa pingi mende, Troasa siti dokonya Kapasanya andaka seteo dokopi, nambanya bukupi, dupa embame kaeyala naeyao nyakao ipupi. Dutupanya mupa joo, nambanya buku meme yanungimi wasepae dupa nyakao ipupi. ¹⁴Aeneme oapi wasingi, akali Alekesanda dokome namba tanda andake dyoo koeyasia. Dopa piana, baanya kalai pia dupanya Kamongome yole dupa maiyakamaipya laka lao masilyo. ¹⁵Naimame pii lamaiyama dupa baame etete tanga lao yanda pimaiyana, embame akali doko wandyoo katape.

¹⁶Namba tange kame pinyoo, tee pyao kote lao kateo gii dokopa, akali mendaipi mendeme namba nisalanya nakatea. Endakali pitakame namba yakineamina,

Goteme dokaitanya koo dupa kame sakamaipya laka lao masilyo. ¹⁷Akali tata waka dupa pitakame sina lao, wai pii epe doko panao lamaiyokondape pyoo lamaiyale lao, Kamongo baa namba kateo dosa tole katapala, namba kyeto dia. Dopa pia dokome, laeyoneme namba nalanya petae doko namba nanena lao baame pyoo nyia. ¹⁸Dopa piana, namba koeyasalanya pitami dupa pitakanya, Kamongome namba pyoo nyepala auu pyoo laminao, baanya kingdom kaiti-kisa singi dokonya pata. Tanga-tangapi Gote kenge andake maiyoaka katapenge. Doko kiningi.

Etao Lasa Leamo Doko

¹⁹Prisikapi, Akuilapi, Onesipotusapi, Onesipotusanya enda wanepi, dupa nambame auu pyoo kalyepape lelyamona lao lamaiyakape. ²⁰Erasatusa baa Korina katea. Dokopa Tropimusa baa yaina nyia dokonya, nambame baa Miletusa katena latala yakineo. ²¹Poo lao aiyuu epenge gii doko palitana, emba ipupenge kaitini mende kutapala yapa ipupi. Akali Yubulusapi, Pudenesapi, Linusapi, enda Kalodiapi, Kristene kaiminingi dupa pitakapi, dupame emba auu pyoo katape lelyamino.

²²Kamongo Jisasa Kraisa doko embakisa katapya laka lao masilyo. Gotenya kondo kaenge doko nyakama-kisa sipya laka lao masilyoaka.

Doko kiningi.

me. May it not be counted against them. ¹⁷But the Lord stood by me and strengthened me, so that through me the proclamation might be fully made and all the Gentiles might hear. And I was rescued from the lion's mouth. ¹⁸And the Lord will rescue me from every evil deed and preserve me for his heavenly kingdom. To him be the glory forever and ever. Amen.

Final Greetings

¹⁹Greet Prisca and Aquila and the household of Onesiphorus. ²⁰Erastus stayed in Corinth, and Trophimus, who was sick, I left in Miletus. ²¹Make every effort to come before winter. Eubulus greets you, and so do Pudens, Linus, Claudia, and all the brothers.

²²The Lord Jesus Christ be with your spirit. Grace be with you.

Amen.